

DODATAK

GRAČANIČKI GLASNIK
časopis za kulturnu historiju

Broj 53
Godina XXVII
Maj, 2022.
[str. 371-372]

© Monos 2022

DODATAK

Glosar novih autora

Amina Abaspahić rođena je 1999. godine u Sarajevu, gdje je završila osnovnoškolsko i srednjoškolsko obrazovanje. Akademске 2018/2019. upisala je Odsjek za historiju na Filozofskom fakultetu Univerziteta u Sarajevu, na kojem je tri godine kasnije diplomirala odbranivši tezu "Vuk Branković", čime je stekla zvanje bachelora historije. Zahvaljujući ostvarenom uspjehu na prvom ciklusu studija, odlikovana je posebnim priznanjem, Srebrenom značkom Univerziteta u Sarajevu. Akademске 2021/2022. upisala je drugi ciklus studija Odsjeka za historiju, a u nastavno-naučnom procesu učestvuje u svojstvu demonstratorice. Predsjednica je Udruženja studenata historije – ISHA Sarajevo, a pored toga član je i odbora ISHA International i član Redakcije Fondacije Hastor. Učestvovala je u seminaru "Comparing the Holocaust, Genocide, and Mass atrocities" na Filozofskom fakultetu Univerziteta u Sarajevu. Područje njenog interesovanja je prostor jugoistočne Evrope u srednjem vijeku, a naročito društvena i ekonomska historija srednjovjekovne Bosne.

Ermin Kuka, doktor političkih nauka, rođen je 1985. godine u Višegradu, gdje je živio sve do 1992. godine. U razdoblju od 1992. do 1996. godine u Goraždu je završio prva četiri razreda osnovne škole. Osnovno i srednje školovanje nastavio i završio 2004. godine u Sarajevu. Upisao je i završio Fakultet političkih nauka Univerziteta u Sarajevu (2008). Na istom fakultetu magistrirao je 2011., a doktor-sku disertaciju na temu "Utjecaj javnih politika na alokaciju resursa" odbranio je 2016. godine i stekao zvanje doktora političkih nauka. Naučno-istraživački i stručni opus Ermina Kuka čini 9 knjiga (5 koautorskih i 4 autorske), 70 autorskih i koautorskih radova u naučno-stručnim časopisima i zbornicima radova, a učestvovao je na 30 međunarodnih konferencija, naučnih i stručnih skupova, te radio na više naučno-istraživačkih projekata. Od marta 2009. godine radi u Institutu za istraživanje zločina protiv čovječnosti i međunarodnog prava Univerziteta u Sarajevu, gdje je u maju 2020. godine izabran u zvanje višeg naučnog saradnika. Od oktobra 2020. godine izabran je u zvanje docenta na Državno-pravnoj naučnoj oblasti na Fakultetu za upravu Univerziteta u Sarajevu, gdje je angažiran u svojstvu nastavnika na izvođenju nekoliko predmeta. Certificirani je predavač Agencije za državnu službu Bosne i Hercegovine (oblast: Uprava u Bosni i Hercegovini), te član Međunarodnog udruženja metodologa društvenih nauka.

Slavo Kukić, akademik, doktor socioloških znanosti, univerzitet-ski profesor, rođen 1954. godine u Posušju. Završio je Fakultet političkih nauka, Sarajevo, 1977., a nakon interdisciplinarnog postdiplomske studija Univerziteta u Sarajevu, stekao je zvanje magistra,

1983. Doktorirao je na Fakultet političkih nauka, Odsjek za sociologiju, u Sarajevu 1986. Radni vijek započinje u Skupštini opštine Posušje, a potom radi kao srednjoškolski profesor i ravnatelj, jedno vrijeme bio je i predsjednik Izvršnog odbora opštine Posušje, a nakon isteka mandata, 1992. godine odlazi na Ekonomski fakultet u Mostaru, na kojem je u radnom odnosu do penzionisanja. U zvanje docenta biran je 1987. godine, u zvanje izvanrednog profesora 1997, a u zvanje redovitog profesora 1999. godine. U četiri mandata je prodekan za nastavu, u dva ciklusa voditelj poslijediplomskih magistarskih studija te u dva ciklusa voditelj poslijediplomskih specijalističkih studija. U svojoj plodnoj nastavnoj karijeri predavao je na više fakulteta u zemlji i inostranstvu.

Osim angažmana u nastavi na više predmeta iz sociologije, politologije i drugih srodnih grana, istaknuti je znanstvenik i angažirani društveni radnik. Autor je ili koautor čak 27 knjiga i studija - među njima devet sveučilišnih i dva srednjoškolska udžbenika. U svojstvu voditelja ili člana ekspertnog tima, potom, potpisuje i dvanaest projekata iz područja sociologije, politologije i ekonomije, a na jednom od njih - Early Warning System in Bosnia and Herzegovina - radi u kontinuitetu pet godina. Na koncu, autor je preko 130 znanstvenih i stručnih radova, objavljenih u časopisima i zbornicima na više svjetskih jezika, te pedesetak recenzija i prikaza djela drugih autora. Član je i većeg broja redakcija i uredništava časopisa i zbornika - Zbornik radova (Journal of Economy and Business), Sociološki diskurs, a danas je korednik časopisa Dijalog ANUBiH - te više organizacijskih odbora znanstvenih skupova i drugih odbora. Kao ekspert Europske komisije petnaestak godina radio je i na pitanjima razvoja lokalne samouprave, a čitav radni vijek angažiran je i u društvenom i gospodarskom životu BiH. Za dopisnog člana Akademije nauka i umjetnosti Bosne i Hercegovine izabran 2012. godine (<https://anubih.ba/index.php/bs/clanstvo/redovni-clanovi>)

Hamza Memišević, magistar politologije, rođen u Zenici 1997. godine. U Sarajevu završio

osnovnu i srednju školu, te zatim upisao Fakultet političkih nauka, gdje je završio studij međunarodnih odnosa i diplomatije. Na istom fakultetu magistrirao je na temu "Bošnjaci i NDH: moranje ili slobodan izbor." Objavio je radove u časopisu za društvena pitanja Pregled, zatim u časopisu Historijski pogledi, u Zborniku radova Genocid nad Bošnjacima, Srebrenica 1995-2020: Uzroci, razmjere i posljedice, u Zborniku radova Muzeja Alija Izetbegović, te u časopisu Fakulteta za upravu. Trenutno radi u Informativnom centru o Međunarodnom krivičnom sudu za bivšu Jugoslaviju (Sarajevo).

Šefko Sulejmanović, doktor historijskih nauka, rođen je 1960. godine u Zvorniku. Završio je Gazi Husrev-begovu medresu u Sarajevu (1980), a dodiplomski studij orijentalistike na Filozofskom fakultetu Univerziteta u Prištini (1987). Naučni stepen magistra društvenih nauka iz područja historije stekao je (2013) na Filozofskom fakultetu Univerziteta u Tuzli. Na istom Fakultetu odbranio je doktorsku disertaciju (2017) pod nazivom: *Sakralni objekti islamske arhitekture Zvorničkog sandžaka i njihov kulturno-historijski značaj*.

Trenutno je na dužnost direktora Instituta za društvena i religijska istraživanja u Tuzli, u zvanju naučnog saradnika. Primarni znanstveni interes mu je izučavanje kulturne historija Bosne i Hercegovine, s fokusom na sakralnu kulturu Bošnjaka. Objavio je: tri školska udžbenika, dva u koautorstvu i jedan samostalno (Sarajevo, 1998, 2010, 2021), monografiju *Tuzlanski džemati* (Tuzla, 2016), integrisani rad: "Muftiluk tuzlanski" (str. 380-527) u: *Islamska zajednica u Bosni i Hercegovini 1882-2012: Monografija*, (Sarajevo 2013), dvije knjige: *Prilozi iz kulture bosanskih muslimana* (Sarajevo-Tuzla 2021) i *Zvornik u osmankso doba* (Sarajevo 2021) te preko pedeset naučnih i stručnih radova u časopisima i zbornicima radova. Organizator je i učesnik većeg broja naučnih i stručnih konferencija, edukativnih seminara i kulturnih manifestacija. Recenzent je i urednik većeg broja knjiga i drugih publikacija. Služi se arapskim, turskim i engleskim jezikom. Živi i radi u Tuzli.